



PELIGER SERIO DI GUERRA ENTRE ISRAEL Y SIRIA

ERUSALEM--UPI--Promer minister di Israel, Levi Eshkol, awe a manda un telegram pa presidente di Merca, Lyndon Johnson, den cual e ta bisa cu e accionnan Arabe na frontera cu Siria a "bira insoportable" y el a adverti cu ta "existi un limite legitimo, hasta riba nos pasenshi".

Den alto circulonnan di gobierno, nan ta bisa cu Eshkol a manda un telegram similar na presidente Francia, Charles de Gaulle, ba e provocacionnan continuo e Arabenan.

Segun e informantenan, e hefe gobierno Israeli a manda e telegramnan awe pa e dos presidentenan.

E fuentenan aki ta bisa cu Eshkol a splica e estadistanan den un telegram cu "Siria y mundu enter mester compronde cu nan no contesta extension di e agresionnan cu un defensa activo".

Ta ser calcula cu esaki ta promer biaha cu Eshkol ta hasi un amamentu directamente riba Johnson pa esaki yudele logra pose Siria stop cu e provocacionnan qu ta tuma lugar casi diaria-

mente a lo largo di e frontera te na ta separa e dos paisnan for di principio di e aña aki.

E cablanan a ser mandá Washington y Paris menos di un dia despues di yegada di e promer cargamentonan di arma mericano en apoyo di gobierno di Rey Hussein.

Na e capital Siria na Damasco e corant "Al Baath" a acusa Israel di ta concentrando tropa nan riba e frontera limite cu Siria.

"Al Baath" ta e organo principal di prensa di partido Baathista qu ta na gobierno. E corant a scribi cu Israel ta preparando un plan pa ataca Siria.

"Siria--asina e corant ta scribi--sa con protege su frontera y castiga cualquier qu dicidi di viola su territorio".

NORCOREA A SINK BAPOR DI GUERRA DI SURCOREA

SEUL, COREA--UPI--E baterianan di costa di Corea Del Norte awe a sink un bapor di patrulla Surcoreano cu 79 homber a bordo. Un vocero di marina a anuncia qu 28 tripulante a desaparece.

Segun e portavoz 51 otro homber a ser rescata.

E nave qu ta un tiki mas chikitu qu un destructor, a ser bombardea door di e baterianan costera qu a los como 200 tiru. El a sink den binti minut

dilanti di costa Oriental di Corea, serca di e linea di separacion militar entre e regionnan Norte y Sur di e peninsula Coreana.

E portavoz a declara qu e bapor a ser identifica como un nave di escolta y patrulla number 56, y qu e tabata tratando di escolta como 70 barcu di pesca qu a dreuta erroneamente den awa Norcoreano.

Forza aerea di Corea del Sur a manda su mihor avionnan F-5-

A y F-68 pa duna apoyo na e embarcacionnan Sudcoreano.

Inmediatamente gobierno di Sudcorea a denuncia e ataque bisando qu e comunistanan mes- ter paga e prijs qu nan debe pa nan accionnan barbaro.

Ta ser calcula qu comando di Nacionnan Uni lo convoca e Comision militar di armisticio Coreano pa protesta oficialmente pa e incidente.

R.J. Reynolds ta mantene liderato

ORANJESTAD - Nos a ricibi aki na redactie di Arubaanse Courant un "press release", di firma representante aki na Aruba di cigarianan cu ta worde fabrica pa e compania Norte Americano, "R.J. Reynolds Tobacco Company's", cual ta Win- del Handel Maatschappij. E "press release" ta bisa lo siguiente:

Winston-Salem, N.C. U.S., December 1966.

E tres marcanan mas popular di cigarita di e compania, "Reynolds Tobacco Company's", Camel (regular), Winston y Salem, mantene nan liderato como e cigarianan mas huma den nan respectiva categorianan na 1966 unando "Reynolds" e distincion di ta posee tres di e cuater marcanan di cigarita cu ta mas bendi na Estados Unidos.

Na 1966, Winston a klasifica como e cigarita numero uno na Estados Unidos. Adicionalmente "Reynolds Tobacco Company" a mantene y a fortalece su posicion como e exportador mas renombrado - cu ventaha amplio - di cigarianan cu ta worde fabrica na Estados Unidos. Recientemente e compania a introduci dos marca nobo di cigarita cu filter - Camel filter y Camel filter menthola - na Estados Unidos y diferente otro parti di mundo.

E punto aki a worde anota pa mr. John C. Maxwell jr., analista industrial di tabaco, den su rapport anual tocante di venta di cigarita pa e revista, "Printers' Ink".

Actualmente "R.J. Reynolds Tobacco Company" ta exporta cigarita pa 100 diferente pais den mundo liber.

WELGA DI CHAUFFEUR NA SAN SALVADOR.

SAN SALVADOR--UPI--E welga general di chofernan di autobusnan a sigi awe cu perjuicionnan grave pa e actividadnan economica di e poblacion aki y poblacionnan ey banda.

Den circulonnan gubernamental nan tabatin e impresion di qu un otro arreglo lo por ser realisa pero te ainda esaki no ta e caso.

E welguistanan, qu tabata existi durante di 75 por ciento, --14

colon pa turno di ocho ora--a reduci nan pretencionnan na 12 mientras qu e doñonan di trabao ta duna 10. Algun di e doñonan di trabao a alega qu nan ta den situacion economica dificil, pero e trahadornan a asegura qu nan ta obtene ganancianan grandi.

Varios sindicatonan qu no ta vincula cu e industria di transporte, a expresa nan apoyo na welgistanan.

Ladronnan a asesina dos bendededor di joya na Italia

ROMA --UPI -- Millares di polisnan a bloquee camindanan den henter Italia en busca di e ladronnan cu a ametralla dos hoben bendededor di joya a sanger frieuw y a hui cu un botin di 50 million lira (equivalente na 80,000 dollar).

Polisnan a bisa cu esaki tabata un di e crimennan mas grandi cu nan a registra te ainda den e capital aki. Un auto, cu segun nan a bisa e posibel cuater asal-

tantenan tabata aden a ser hanja bandedor algun kilometer mas aleuw.

Autoridadnan den henter e pais a tene loke nan a considera e jantamentu di hende di mas grandi cu a ser conoce den historia di e pais aki den e ultimo decada.

Nan a pone barreranan na gran cantidad di camindanan y e autonnan di polis ta den constante contacto cu otro, via di radio.

E funcionarionan di Genova a afirma cu nan ta cla pa bloquee tur e camindanan apenas cu nan tin un huella di e asesinonan.

E asalto a tuma lugar den caya di un barrio residencial tranquil di Roma mientres cu mayoria parti di e efectivonan policial tabata investiga un misterio gran di na Castegandolfo, cas na unda Papa sa pasa un cierto periodo di anja.



Y sigue la guerra....Un soldá mericano aki ta conduciendo un grupo di guerrilleronan Vietcong qu ei a captura den Delta di Mekong ayera mientras qu pa guia otro, nan tin qu tene otro su man serrá, pa-sobra nan wowo ta tapá. - UPI Radiophoto.

**PRESENTACION CANDIDATANAN
pa
REINA JUVENIL,**



diasabra 21 di januari den Eagle Club, en combinacion cu baile a la picnic style for di 9-3^{or} di marduga. Musica "Steelband Tanki Flip" y Sensacion Musical".

Entrada:

CABALEROS FIS. 3.00
DAMAS FIS. 1.--

**DE VEER
Teatro**

ACONDICIONA



Emily Bradshaw, Reina Distrito San Nicolas, es coronada por sus familiares y amigos en un momento de la ceremonia.

**EMILY BRADSHAW REINA
DISTRITO SAN NICOLAS**

Emily Bradshaw, Reina Distrito San Nicolas, es coronada por sus familiares y amigos en un momento de la ceremonia. La reina es coronada por sus familiares y amigos en un momento de la ceremonia. La reina es coronada por sus familiares y amigos en un momento de la ceremonia.

...ta original.

GRADICIMENTO
...
JOSEPHINA AMAYA
Ulpi no Amaya y familia.

MANDARIN
Bar - Restaurant
Wilhelminastraat 8, tel. 1008.
Cuminda Chinés.
nos specialidad: Rijsttafel di Java.
Rijsttafel Chinés.
Nos tin bon prepará.
Y nos prijsnan ta razonable.

CENTRO DE OCUFISMO Y ESPIRITISMO
El más famoso en el Universo, compuesto por los más grandes Sabios en las CIENCIAS Ocultas. "Alta Kabala Egipcia" con sus conocimientos del más allá, se someterán a Estudiar su vida mental, espiritual y material, y todos sus problemas se convertirán en una fuente de Felicidad, evitarán que en su futuro se desarrollo penosas consecuencias; qué problema tiene? Cúal es su sufrimiento? Malos Negocios?, falta de suerte, sufras desengaños sentimentales? pues apresurese a escribir, guardamos reserva absoluta, todo exámen se realiza individualmente, nuestras respuestas no son Mimiografiadas.
CONSULTAS ESPIRITUALES COMPLETAMENTE GRATUITAS.
Envíe su fecha de Nacimiento y el nombre de un familiar o amigo ya fallecido.
Dirija sus Cartas Unicamente al Célebre DIRECTOR DE TODAS LAS CIENCIAS OCULTAS.
Dr. JONAS BRUHL,
Apartado 2987
Quito-Ecuador

SPOKANE (Washington) - Maury Wills sonriente y aparentemente contento cu su sueldo cu nan a ofrecele, recientemente a firma su contract cu Piratas di Pittsburgh pa e temporada di baseball di 1967. Piratas no a revela e suma di placa pa cual e ex shortstop di Dodgers a firma.

Awendia Merca ta lansando cohete nan manera convooi den espacio. Esun aki ta carga ocho satellite di comunicacion qu cada unu ta pisa cien liber. Durante seis ora largu nan a maniobra cu e satellite den orbita pa e pasa deposita cada unu na su lugar calculá-UPI Radiophoto.-



E momento cu e presidente di e Stichting di Carnaval Arubano, sr. Milo Croes (na drechi) ta entrega sr. Capels Lacle, expresidente di comite central di carnaval, e mantel y sombre como simbolo cu el a ser distingui como miembro honorario di e

stichting. Tres otro ex-presidente tambe a ricibi e mesun distincion cu sr. Lacle. Na robes, gezaghebber O.S. Henriquez cu mantel y sombre, despues cu el a ser instala como protector di e stichting di carnaval.



foto aki a ser tuma den residencia di gezaghebber Henriquez, diarazon atardi na momento cu prins di carnaval a caba di tuma mando di Aruba over.

PAGINA DEPORTIVA



PRESENTA
PA:

AIRKEM ELIMINA FOR DI CARRERA PA TITULO DI SOFTBALL

(Di Nos Redactor Deportivo)
ORANJESTAD - Sufriendo un derrota un carrera pa tres den un interesante wega, e novena di Airkem a keda elimina for di e fuerte carrera cu tin den e Liga Watapana di e campeonato di softball masculino. E equipo cu a percura pa e eliminacion di Airkem ta e cerveceronan di Schlitz cu a respalda bon pitcher di Maiky Bislick. E lansador derecho di e novena cervecero a permiti apenas cuater hit pa un carrera cu Airkem a anota den e tercer inning.

Cu e carrera aki por cierto Airkem a pika adelante cerrando e cuater inning Schlitz tambe a score uno pa empatar e score. Den e sexto e cerveceronan a manda dos homer mas over di homeplate pa bai y keda adelante. Schlitz a anota tres carrera conecta nueve hit y comete dos Tabata tin un carrera cuater hit y dos error.

Pitcher ganador tabata Maiky Bislick, perdedor J. Ras. Den e Liga Watapana a resta tres equipo cu ta batayando fuertemente pa bira campeón di e liga y asina clasifica pa e parti final contra di e clasificado for di Liga Kibrahacha.

E equiponan di Watapana cu ta haciendo tur lo posibel y no

ta dunando otro ni un chens chikito ta Casa Haime, Little Rock y Mosaicos Sta. Helena.

Por cierto awe noch den e segundo wega ta topa otro Mosaicos strenando nan uniformnan nobo y e equipo di Casa Haime. Un wega di hopi importancia pa e cifranan di e liga. E equiponan lo haci tur esfuerzo posibel pa bai cu e triunfo cu ta conta

asina hopi na e momentonan actual.

E promer wega di diarazon anochi di e Liga femenino a resulta un triunfo pa Los Vets ariba Dano Milk. Cu esaki Los Vets a tuma revancha pa e derrota sufri den nan ultimo encuentro.

Dano Milk a bolbe habri bon anotando tres carrera ya den promer mitad di e inning inicial Pero Los Vets no a keda atras y a percura pa cuater carrera den e mes inning kitando Dano e ventaha mesora. E dos siguiente inningnan ta pasa sin carrera.

E sun number cuater sin embargo ta trece un total di 12 carrera. Despues cu Dano Milk a haci rally di cinco carrera y tabata parse cu nan tabata bai den caminda sigur di un victoria facil, e damanan di Los Vets a manda e iansamentonan di pitcher relevo Aggy Schotborgh den tur skina

di tereno pa anota nada menos cu shete carrera. Los Vets a contesta cu un rally mas grandi ainda pa pone e score na final di cuater inning 11-8 den su favor. Cerrando e quinto Los Vets ta piki un carrera mas. E ultimo monan di wega ta wordu anota door di Dano Milk den promer mitad di e sexto episodio, cual por cierto tabata e ultimo inning cu a ser hunga debi na e limite di tempo.

Score final di e wega a bira 12-10 den favor di Los Vets cu tabata tin 11 hit y 3 error. Dano Milk a conecta ocho hit y a comete seis error.

Pitcher ganadora tabata Wina Francisca, perdedora tabata Aggy Schotborgh.

E rally di shete carrera di Los Vets den inning number cuater tabata pa gran parti debi na un homerun cu base yen, un grand slam, conecta door di Norma Richardson, kende logicamente a ricibi caluroso felicitacion di su companjeronan di equipo na su yegada na home.

Awe noch den e equipo di Los Vets tin otro serio compromiso ora cu nan enfrenta nada menos cu Zenith.

Dos importante wega tin pues awe noch ariba e programa di e campeonato di softball.

Reese Tatum a fallece

EL PASO --Texas --UPI -- E humorista di basketeer Reede Tatum, exintegrante di e equipo profesional di fama mundial Harlem Globetrotters a fallece.

E atleta a sinti su mes indispuesto e siman aki na su cas y a trata di yega riba su cama. Sin embargo, ora cu e tabata tratando di yega na su cama el a dal abao hopi duro. Su esposa a avisa bomberonan, quendenan, luego di a aplica masashi na su pecho, a conduciele rapidamente pa hospital.

Sin embargo Tatum a fallece den sala di emergencia.

E deportista tabata sufrir di un malestar hepatico, pero ta ser calcula cu el a muri di un ataque.

Tatum, tambe tabata un diehombenan cu su edad no ta conoci. El a bisa cu el a lubida. Den Hospital nan ta afirma cu e tabatin 45 anja.

Despues cu pa varios anja e tabata ocupa un di e puestonan mas notable den e equipo Harlem Globetrotters, el a bandona e deporte pa cuminsa cu su propio espectáculo deportivo, riba e base di e actuacion di un equipo cu el a

yama "The Harlem Road Kings" Na e margen di su extra-ordinario habilidad como basquetballista -- facilita pa e tamaño descomunal di su mannan y largura -- Tatum tabata un autentico humorista y tabata creador di "hopi suertenan cu despues a incorporar como clasiconan di e humor basquetbolista den e actuacionnan di otro equiponan. Su meta den bida tabata di pone hende hari. Poco tempo pasa un hende a puntre ki dia e ta bai retira...." e dia cu mi hasi cualkier suerte y ningun hende no hari."

SALDIVAR VS SEKI DIA 30

TOKYO--UPI--Un emisora comercial di Television lo duna e alternativenan di e pelea pa e titulo di peso pluma cu lo ser sostene na Mexico entre e campeón mundial Vicente Saldivar y e japonés Mitsunori Seki.

E pelea lo ser transmiti "realmente" pa medio di e satellite intercomunicador Intelsat 2-B.

RALLY DI MONTECARLO DEN ETAPA FINAL

MONTECARLO--UPI--Sesenta auto, entre nan tres Mini-Cooper BMC britanico den e posicionnan dos, tres y cuater, a clasifica ayera pa e etapa final eliminatorio di awe den e di 36 carreda di Montecarlo.

E britanico Vic Elford, den un Parsche 911-S, a termina e posicionnan final como puntero, sigi di cerca pa e equipo BMC encabesa pa e irlandés Paddy Hopkirk y e finlandés Timo Mäkinen y Raund Aalton. Solamente 101 di e 167 participantes cu a yega ayera a re-

gresá parti mainta despues di a cumpli un circuito di 1,200 kilometer pa e alpenan frances. E lista di e 60 autonan cu a sali awe mainta pa e eliminacion final, a ser anuncia solamente un par di ora prome cu e salida.

E cantante popular frances Johnny Halliday, quende suparticipacion den e prueba a desagrada e otro volentenan, ayera mainta a cumpli e etapa especial, pero a ser elimina anochi pasobra el a usa mas di e ocho neumaticonan autorisa.

DIA DOMINGO FINAL DI PINGPONG INDIVIDUAL

(Di Nos Redactor Deportivo)
ORANJESTAD - Den club Don Bosco na San Nicolas lo tin diadomingo dia 22 di januari e semifinalnan y final di e campeonato di pingpong individual masculino. Un total di 17 hungador a wordu parti den cuater grupo y for di cada un di e gruponan aki lo sali dos hungador cu lo midi forza den un achtkamp. E titulonnan di campeón y subcampeon di Aruba lo keda definitivamente dicidi e fecha ey. Cu otro palabra no tin suspension di wega pa ningun motibo. Cada hungador tin di paga e suma di un florin promer cu e weganan cuminsa y no mas cu mei ora ta wordu duna na hungador pa presenta. E hungador cu no t'ei na ora ta keda automaticamente elimina.

Grupo number uno ta Antillan, Herbert Maxwell Vincent Thomson y George Pantople. Grupo number dos tin Modesto Desbarrida, Nelson Croes Jantje Werleman y Papa Mulier. Den grupo number tres ta competi Emiliano Jansen, Richard Simon, Ben Luther y Nicholas Quant, mientras cu grupo number cuater ta forma pa Cholan Jacobs, Donny Geerman, Shonne Lopez, Owen Hing Sing Loy y Roy Gibbs.

Ta notabel cu no ta den e 17 hungadornan aki cu a clasifica pa e semifinal y final e hungador nextup di Aruba Mario

Croes jr. Den e weganan preliminar Mario a keda sin presenta na un ocasion perdiendo pa default y asina a keda elimina for di e participacion mas ieew pa e titulo.

Un di e candidatonan fuerte pa bai cu e titulo ta Emiliano Jan-

sen, kende ta den masha bon condicion den e actual temporada. Den persona di Emiliano diferente di e otro hungadornan fuerte manera Maxwell, Desbarrida Jacobs Gibbs y Simons ya ta mira e rival di mas fuerte pa vence.

Pingpong di halto caliber pues lo wordu ofreci otro manjan den club Don Bosco na San Nicolas caminda diessiete top hungador di nos isla lo bataya fuertemente pa mira ta kende finalmente lo konkista e titulo di campeón di Aruba.

Competencia di Bridge ta worde celebra pronto

ORANJESTAD - Di directiva di "Bridge Bond Nederlandse Antillen" (B.B.N.A.) distrito Aruba, nos a ricibi noticia cu ta bisa cu, directiva ta deseoso pa cuminsa mas pronto posible cu encuentronan entre e diferente seleccionnan, mescos cu metodo cu a worde usa na Corsow, local tin como obheto pa forma un of algun grupo di cuater persona pa representa Aruba den encuentronan internacionales.

Periodicamente lo bai tin encuentronan selectivo, cu lo worde hunga riba basenan di cuater contra cuater. E paarnan cu ta posiciona mejor e ora ey lo forma gruponan di cuater.

Directiva ta trata pa pone e encuentronan di tal forma, cu cada vez paarnan diferente lo

forma gruponan di cuater, door di cual despues di mas tanto wega posible e mejor paarnan lo worde escoge.

Personanan interesa por inscribi nan mes na paar pero tambe tin e posibilidad pa pone bo mes disponible individualmente. Despues e personalnan cu a duna nan mes personalnan lo por reuni y forma paar. Tur esnan cu kier tuma parti mester inscribi nan mes prome cu dia 28 di januari 1967, serca e secretariado (tel. 5800 of 3098).

E costonan pa participacion ta un florin pa paar. E direccion di e encuentronan ta cai bao di vigilancia di e directiva di distrito. Directiva ta sugeri pa cada participante un paarnan na bati e da...

SIGI TIN SPERANSA DI HUNGA DEN

E CLUB SPANJO REAL ZARAGOZA

MADRID -- UPI -- E futbolista Sigi a spera un oportunidad pa actua plenamente den alineacion di Real Zaragoza, na e mesun tempu cu e tin proyectonan pa contrae matrimonio na verano proximo.

Martinez Ramirez--cu ta Sigi den mundo futbolistico--a yega Espanja cinco anja pasa procedente di El Callao, Peru, contrata pa Real Zaragoza. Su wega a yama atencion, y el a sigi hunga cu cierto frecuencia cu Real Zaragoza, pero den e dos ultimo temporadanan el a actua de vez en cuando.

"Mi ta sigi masha ilusiona y incluso mi ta bai train tur dia constante cu mes tantu smaak cu unome...", asina Sigi ta afir...

te lo presenta un oportunidad den e mesun Zaragoza, caminda "mi ta hanja masha bon", e futbolista peruano ta afirma, cu awor tin 23 anja di edad.

"Aki na Zaragoza mi tin un negoshi di siniestros industriales. Di otro banda mi tin un novia, cu quende mi ta pensa di contrae matrimonio na cuminsamento di verano proximo", asina Sigi a termina bisando.

AUCKLAND (Nueva Zeelandia)--UPI--19 trahador a perde nan bida despues di un explosion den un di e minanan di carbon di mas grandi den e pais aki, qu ta keda banda di Greymouth. Epuebla aki ta keda na mas o menos 1600 metros noroeste di Christchurch, na costa west di e isla...

Muher di mas ricu di Merca a perde entre P.R. y St. Thomas



Señora Audrey Bruce Currier, nietu di e difuntu Andrew Mellon, un di e hombernan mas ricu di Merca, ayera a perde durante un vuelo entre San Juan, P.R. pa St. Thomas na Virgin Islands. Na man robes su casa, Stephen. -UPI Radiophoto.

Su actu lo biba pa semper

Pa: Don Oakley



Cu e morto di Jack Ruby e cortina final mester baha den e tragedia di Kennedy. E tercer actor estelar den e drama di siglo a bandona e escenario.

Pero pa esnan cu ta cana rond cu sospechonan obscuro di un

conspiracion pa asesina presidente Kennedy, Ruby su morto lo por men un posible fuente mas di prueba di nan teoria cu tur cutabata sabi mas nan boca a ser serrá. Esaki, no obstante e yamentu patetico di e homber na ultimo momentu na mundu, pa

mundu kere cu ela actua esó y completamente riba su mes impulso pa mata Lee Harvey Oswald.

Otro lo hanja significacion mistico den e hecho cu e asesino di e asesino a muri den e mesun hospital cu e asesinado. Tantu John F. Kennedy como Lee Harvey Oswald y Jack Ruby tur tres a fallece den hospital di Dallas Texas.

Y enberdad, e lista di esnan cu directamente o indirectamente tabata conecta cu e asesino y cu a muri den forma of otro durante di e 4 anjanan ta larga y por ta impresionante y sugestivo pa un cierto tipo di imaginacion.

Bukinan a ser y lo ser scirbi tocante di esaki y otro aspectonan stranjo di e historia aki pa generacionnan cu lo bin, mescos cu esaki ta sosode te ainda tocante di e asesinato di presidente Lincoln.

Lo ta suficiente pa bisa cu tempu y circunstancia a duna Jack Ruby e husticia cu hende no tabata por a duné. E homber a sufrí su crimen, espiritualmente y tambe físicamente por ta di e ultimo manera, esta físicamente, cu muchu mas dolor cu tabata e caso di su victima.

Jack Ruby a horta for di nos e oportunidad di por a hanja e contestanan concreto di kiko a motiva e asesinato.

Matando Lee Harvey Oswald, Ruby a kita for di mundu henter e oportunidad di por a weta ta ki rasonamentu a motiva e asesino di tira riba presidente Kennedy.

Pa esaki nos no por perdona Jack Ruby nunca. Pero e tin a wor, mescos cu e tabata tini tempu cu e tabata na bida, nos sincero sentimiento di piedad.

AVISA DEN

Arubaanse Courant

YAMA

TEL. 2116

BERRY'S WORLD



© 1967 by NEA, Inc.

"It happens every time he dates something 1966!"

AVISA DEN ARUBAANSE COURANT

PERISCC PIO MUNDIAL

Corte no por hasi " Der Stern " nada

HAMBURG--UPI--E revista norteamericano Look no a logra na pone un veredicto ne revista aleman Der Stern, pa suspende publicacion den serie di e buki di William Manchester "Morto di un Presidente " segun nan a anuncia.

Studentenan ta exigi renuncia di Sukarno

YAKARTA--UPI--E estudiantenan indones a exigi awe pa qu Congreso reuni "lo mas pronto posibel" pa kita presidente Sukarno for di su puesto. Un hefe militar a declara qu e ejercito tabata cla " pa tuma e armanan y lucha " pa retiro di e hefe di estado.

Universitarionan y estudiantenan di schoolnan secundario a bai e oficina di general Suharto pa exigi, segun fuentenan autoriza gubernamental , pa qu Sukarno ser retira di su puesto pa huzgele pa traicion.

E quintuple aleman a muri ayera

DUSSELDORF (ALEMANIA OCCIDENTAL)--UPI--E ultimo sobreviviente di e cinco ohochinan qu a nace akinan di un a na di cas di 30 aña di edad despues qu e dokternan a lucha en vano pa salba su bida, a muri.

Doctor Johannes Bokelmann, quende tabatin e atencion di e alumbramiento na su encargo a declara di antemano qu practicamente no tabatin speranza di qu nan lo por keda na bida. Un verpleegster di e hospital ayera nochí a anuncia qu "e cincunan a muri".

Presidente di China ta preso ?

HONG KONG--UPI--Fuentenan di e servicio di inteligencia den e colonia britanica aki a informa qu presidente Liu Shao Chi di China Comunista aparentemente ta virtualmente prisionero den e sector tur na muraya di Pekin na unda e funcionarionan haltu di e regimen ta biba.

Merca ta stacionando tropanan na Tailandia

BANGKOK--UPI--Estados Unidos a reconoce awe oficialmente qu, tal como tabatin rumornan ta corre for di tres aña pasá, trupanan norteamericano ta formando basenan na Tailandia den nan participacion ne guerra di Vietnam.

Busqueda masal pa cuater asesino na Italia

ROMA--UPI--Millares di polisnan a bloquee camindanan den henter Italia en busca di e ladronnan qu a ametralla dos hoben bendedor di joya a sanger frieuw y a hui cu un botin di 50 millon lira (equivalente na 80,000 dollar).

Polisnan a bisa qu esaki tabata un di e crimennan mas grandi qu nan a registra te ainda den e capitalaki. Un auto, qu segun nan a bisa e posibel cuater asaltantenan tabata aden, a ser haña bandona algun kilometer mas aleeuw.

E estrangulador di Boston a ser sentencia

CAMBRIDGE (MASSACHUSETTS)--UPI--Un jurado di homber a condena e "estrangulador di Boston", Albert H. Desalvo, quende ta ser acusa di asalto sexual y robo, Desalvo a ser sentencia na cadena perpetua.

E jurado a delibera durante 3 ora y 45 minuut prome di a haña Desalvo culpabel di asalto contra cuater muher entre mei y oktober 1964.

Problemanan racial den San Quentin

SAN QUENTIN (CALIFORNIA)--UPI--E bewakernan di e prison San Quentin a haña nan mes obliga na tira den laira, den advertencia, pa evita un confrontacion racial explosiva di mas di 2 mil prisionero.

E problema a presenta poco despues di comementu merdia ora qu mas o menos 1,400 prisionero di color a reuni den un parti di e enorme patio y 1,400 prisionero blancu ne otro banda.

Studentenan a ataca consulado mericano

LA PAZ--UPI--Nan a informa qu un grupo di estudiantenan universitario na Cochabamba a ataca e oficinanan di e consulado norteamericano, e cuerpo di paz y e servicio di informacion di Estados Unidos kibrando glasnan di bentanan y ocasionando heridanan na un empleada boliviano.

Cowles Comm. a demanda Chicago Daily News

CHICAGO--UPI--E empresa "Cowles Communications", editora di e revista "Look" y e escritor William Manchester a presenta un demanda judicial contra e entidad "Field Enterprises", editora di e corant "Chicago Daily News", acusand'e di probecha di e leyman di propiedad intelectual publicando den un forma prematuro fragmentonan di e buki di Manchester "Morto di un Presidente", riba asesinato di John Kennedy.

Manifestacion a caba na Palomares

PALOMARES (SPAÑA)--UPI--Un calma tabata reina den e pueblo aki despues di e turbulento manifestacion cumpliendo e come aniversario di e caida accidental di cuater bom norteamericano hidrogeno den e zona.

SANTA SEDE A CRITICA OPINION DI JOHNSON RIBA PLANIFICACION FAMILIAR PA REGIONNAN ATRASADA



Papa Paulo VI

CIUDAD DEL VATICANO--UPI--Santa Sede a ripiti oposicion di iglesia na control artificial di natalidad y a critica e presidente di Estados Unidos, Lyndon B. Johnson, pa a presenta "problemanan serio di caracter moral", pidiendo e metodonan ey den e zonan sub-alimenta na mundu.

E critica aki tabata esun mas energica cu a ser formula ultimamente pa Vitacano contra un presidente norteamericano y e prome referencia di iglesia durante di hopi simannan, ne tema asina tantu discuti di control di poblacion.

Johnson a recomenda e "planificacion familiar" den su mensaje riba Estado di Union, pronunciando esaki como medio di alivia hamber den e regimennan subdesarrolla cu ta carece di suficiente recursonan alimento.

E declaracion ta conteni den un articulo cu a sali publica den e semanario "L'Osservatore Della Domenica" y cu ta bisa cu e definicion di Papa VI riba control di natalidad lo no tin otro cambionan, den caso di cu algu me-

ster presenta rit prohibicion di iglesia catolica riba control artificial di e nacementunan.

E semanario, igual cu e corant "L'Osservatore Romano", a duna un publicacion extraordinario di Vaticano, pero e principal articulon generalmente tabata refleja pensamentu di e circulon haltu di Santa Sede.

"L'Osservatore de la Domenica" a subraya cu Johnson a menciona den su discurso tres solucion pa e problema di hamber na mundu; prioridad pa un gran ofensiva destina na aumenta produccion di cuminda, "planificacion familiar voluntario" den e paisnan mas desarolla, of a lo menos esnan mas favoreci.

"En berdad", asina e corant

"disilusion tabata masha grandi pa mi esposa." Y despues, casi murmulando ela agrega: "Y pa mi tambe."

Januschek despues a pidi e periodistanan pa no trata na pone nan mes den contacto cu su esposa den e hospital. "E ta bon... e ta masha trankil, pero mi sa cu e ta profundamente desilusiona."

Un hende a puntrele e ora ey si e mes a bisa su senjora di e nacementu di e criaturanan y ela respondé; "no... ami no por a bisele. E matrimonio Januschek a contrae enlace na augustus 1965.

Studiantenan a exigí pa Sukarno baha

YAKARTA --UPI-- E studiantenan indones a exigí awe pa cu Congreso reuni "lo mas pronto posibel pa kita presidente Sukarno for di su puesto. Un hefe militar a declara cu ejercito ta-



Lyndon B. Johnson

a sigi bisa", e planificacion ta ser citá como di voluntario; pero voluntario te na ki punto? Ta obvio cu un contesta riba e pregunta aki ta trece problemanan di eleccion, es decir problemanan moral cu ta afecta e libertad cu Johnson ta bisa nos e ta desea na defende te na fin".

bata cla" pa tuma e armanan y lucha" pa retiro di e hefe di estado.

Universitarionan y studiantenan di schoolnan secundario a bai e oficina di general Suharto pa exigí, segun fuentenan autoriza gubernamental, pa cu Sukarno ser retira di su puesto pa huzguele pa traicion.

Fuentenan judicial a afirma cu no tin recursonan legal pa acusa e presidente mientras cu e ta ocupa e puesto ey, pero cu nan tin suficiente pruebanan contra Sukarno pa declarele culpabel" den cualkier tribunal na mundu".

E actitud di e studiantenan ta constitui e ultimo amenaza contra e posicion vacilante di Sukarno. Manera otro criticonan importante e studiantenan a fundamenta nan exigencia den e pruebanan terminante, segun nan a informa di cu Sukarno tabatin un participacion directo den e golpe comunista cu a fracasa na 1965.

Sin embargo, no ta asina facil pa convoca un sesion di emergencia di Congreso debi ne dificultad di reuni e parlamento di e pais aki di tres mil isla. Por lo tanto, nan ta considera cu ta improbable cu nan lo por reuni prome di maart of april proximo. E adversarionan mas rabia di Sukarno ta exigí un accion inmediato.

E ministro di relacionnan exterior Adam Malik a informa prensa cu Sukarno tabatin colera dia cu e funcionario haltu a trese e sugerencia pa e retira inmediatamente.

Den un discurso cu a ser pronunciado na cuminsamentu di siman Malik a informa Sukarno pa e retira voluntariamente y elo nombra un homber di confianza pa ocupa presidencia, te despues di eleccionnan general na 1968.

Ela agrega cu den un entrevista mas despues Sukarno "ta baha masha rabia cu mi. Ela puntrami pakiko mi mester a bisele cierto cosnan asina. Ela bisami cu e cos ey ta duele. Mi a contesta cu mi no por a hasi otro cos. Mi a hasi e sugerencia como un amigu bieuw pero si mi a bisa algu malu, perdonami, por favor", asina e ministro a agrega".

HOROSCOPO

Por Carroll Righter

ARIES (mar. 21 a abril 19) Haga tiempo para comunicarse con personas que congenien y vea como pueden ayudarlo con sus asociados y otros aliados de negocios. Un socio tiene ideas que usted puede utilizar.

TAYRO

TAURO (abril 20 a mayo 20) La mejor manera de impresionar favorablemente a un superior es tener una actitud alegre y conversar del modo mas inteligente. Demuestre sus habilidades. Se beneficiara muy pronto.

GEMINIS (mayo 21 a jun. 20) Los contacto nuevos le daran el consejo adecuado relacionado sobre como avanzar mas rapidamente y tambien como tener un tiempo mas satisfactorio de una manera social. Salga a divertirse esta noche.

CANCER (jun. 21 a jul. 22) Reunase con esa persona allegada que esta molesta por no haber llevado a cabo lo que esperaba de usted. Evite a un intruso. La armonia puede ser restaurada facilmente, si usted se empeña.

LEO (jul. 23 a agto. 22) Si conferencia con sus asociados le brindara ideas magnificas y planes para los dias que se avecinan y recibira mas apoyo que en el pasado. Demuestre que tienen ingenio. Haga arreglos razonables.

VIRGO (agto. 23 a sept. 22) Sea mas eficiente en su trabajo y sus compañeros le apreciaran mas. Evite a aquellos que quieren vencerlo para una diversion costosa.

LIBRA (sept. 23 a oct. 22) Usted puede aumentar su felicidad considerablemente si es mas moderno tanto en los negocios como en lo personal. Usted puede ser muy romantico siempre y cuando no lo afecte.

ESCORPION (oct. 23 a nov. 21) Cerciorese en aumentar la felicidad de un pariente que sesiente bastante deprimido en estos momentos. Considere seriamente porque otros proceden como lo hacen. Entonces sabra como tratarlos mejor.

SAGITARIO (nov. 22 a dic. 21) Comuniquese con sus buenas amistades para la ayuda que necesita en cualquier esfera de sus empresas. Ellas le ofreceran el consejo correcto. Use metodos positivos, pero no exigentes, con los demas.

CAPRICORNIO (dic. 22 a ene. 19) Vaya directamente a algun experto bancario o a circulos, de negocios por las respuestas que quiere e a los problemas que son importantes para usted. Modernice sus operaciones. Aumente el valor de sus propiedades.

ACUARIO (ene. 20 a feb. 18) Busque el metodo adecuado para aumentar su prestigio con aquellos que usted y admira. Usted esta muy inspirado ahora y debe llevar a cabo sus ideas y planes.

PISCIS (feb. 19 a mar. 20) Ahora puede resolver problemas, haciendo una investigacion pausada, pero no confie en otros o lo podran desviar del curso correcto. Usted sabe exactamente lo que tienen que hacer para mejorar su posicion.

SI SU HIJO NACE HOY

Sera una de esas personas raras que hara todo lo posible por ayudar a los menos afortunados y saber, sin embargo, como tratar con los superiores y ganar favores de ellos.

ULTIMO DI E QUINTUPLE A FALLECE AYERA TARDI

DUSSELDORF (Alemania Occidental) --UPI-- E ultimo sobreviviente di e cinco ohochinan cu nace aknan di un ama di cas di 30 anja di edad despues cu e dokternan a lucha en vano pa salba su vida, a muri.

Doctor Johannes Bokelmann, quende tabatin e atencion di e alumbramiento na su encargo a declara di antemano cu practicamente no tabatin speranzanan di qu nan lo por keda na vida. Un verpleegster di e hospital ayera nochí a anuncia qu e "cinconan a muri."

Senjora Rosemarie Januschek, quende no tabatin ningun jiu y cu nan ta kere a tuma droganan fertilizante prome di sali na estado a duna lus na cuater criatura di sexo masculino y unu di di e sexo debil den un clinica.

Wolfgang Januschek, tata di e criaturanan, tabata huntu cu su esposa for di e prome alumbramiento y prome di a bandona

hospital ela bisa: "Mi ta masha cansa... kier drumi un ratu...."

E ta traha den un departamentu di ingeniera di un empresa exportador japonés y su descanso tabata masha poco. Un ratu despues nan a yamalepa informele cu e prome di e cinco ohochinan a muri.

Dos ora despues e unico mucha muher a muri, mesun cos cu tabata e caso cu otro di e mucha hombernan. E di cuater a muri mas ayera tardi. E ochochinan tabatin shete luna. E di cinco a muri ayera nochí.

Januschek y su esposa a ser adverti di antemano riba e posibilidad di cu nan lo hanja cinco ohochi e incluso a eligi cinco nomber di mucha homber y cinco di mucha muher.

E tata tabata masha tristu pa morto di e muchanan. "Pero mi esposa ta bon, gracias a Dios." asina ela comenta. Ela bisa cu


BRUG A CAI ADEN NA ITALIA



Claramente por mira e buracu den e brug Ariccia na Italia qu a cai aden antayera nochí causando morto di diferente automobilista qu a corre yega sin sa qu e brug a cai aden. E brug tin 133 añu qu el a ser inaugura y durante segunda guerra mundial Alemannan a bombardea e brug pero nan a construyele di nobo. --UPI Radiophoto.

BUCHI ROBES,

pa cortesia di **N.V. FATUM** Verzekeringsmij.
Tel. 1845 - 1283 pa tur sorto di seguro.



CANDELA A DESTROY UN CATEDRAL ANTIGUO DI MASHA BALOR NA MEXICO

ABONA
ARUBAANSE
COURANT

BERRY'S WORLD

Empresa editora a demanda Chicago Daily

CHICAGO--UPI--E empresa "Cowles Communications" editora di e revista "Look" y e escritor William Manchester a presenta un demanda judicial contra e entidad "First Enterprises", editora di "Chicago Daily News".

Srta. Armanda Felix ganadora di Lions Peace-Contest

Dia luna anochi Lions Club Bonaire a organiza un dinner-meeting den Flamingo Beach Club, en conexion cu resultado di e peace-contest tene entre muchanan di Mulo-school. E peace-contest aki manera nos por sabi a worde organisa pa tur lions Clubnan rond mundo y ta trata di trahamentu di un opstel pa cual e topico "paz" a ser scoje. Aruba, Corsow y Bonaire cu ta pertenece na distrito E di Lions tambe a tuma parti pues na e

peace-contest aki y na Bonaire a sali ganadora Srta. Aramida Felix. Na e dinner meeting aki tabata presente como invitados miembronan di Jurado kendenan ta Frater Terentius di Sint Dominicus school y Sr. Lemmens di Lourdes Mulo-school y naturalmente tambe srta Aramida Felix, acompaña pa Sr. Achi Felix y Prensa. E mes anochi aki tambe a keda instala como Presidente Dominee

Heitkonig, kende a worde instala pa un periodo di un aña. Heitkonig, Dr. Jonkman ta tuna presidencia over di Dr. Keunperman, kende ultimo aki dia 22 proximo ta despedi di Bonaire. Durante e comida srta Aramida Felix, na un manera unico a larga tur e presentenan sera conoci cu contenido di su opstel, cual en breve nos por bisa a trata di e dificultadnan reinante cu ta stroba paz den mundo henter.

Sr. Heitkonig zone-chairman, na nomber di Lions International, a haci entrega di un plaquette, cual a ser fabrica na Chicago.

Segun nos a hanja di tende a anochi ai, tur opstelnan entrega door di Lions Clubnan rond mundo lo ser traduci na ingles y manda Chicago na unda esnan di mas melior lo ser selecciona, pa saca a lo largo e ganador o ganadora di e peace-contest.

Tribunalnan no por hasi nada contra "Der Stern"

HAMBURG -- UPI - E revista norteamericano Look no a logra na pone un veredicto ne revista aleman Der Stern, pa suspende publicacion den serie di e buki di William Manchester "Morto di un presidente" segun nan a anuncia.

E hefe di noticia di Der Stern, Norbert Sakowski, a manifesta cu tres tribunal di Hamburg a rechaza e peticionnan cu a ser presenta pa e revista norteamericano, pasobra nan a considera cu e material cu a ser presenta pe abogadoan di Look no tabata bastante.

En cambio, Sakowski a bisa na United Press International, cu nan a fija audiencianan nobo pa mayan ora cu Stern lo ta den condicionnan di presentacion e caso na tribunal.

Di acuerdo cu ley aleman e demandante lo por presenta dilanti di tribunal y, sin cu e acusado ta representa, pidi pa duna fayor na favor di e demanda basando su mes unicamente den e pruebanan cu esaki presenta cu n'e.

E representantenan di e revista norteamericano a sostene cu Der Stern a viola su contracte cu Look, adelantando e fecha di publicacion di e prome parti du e serie y tambe di publica fotonan cu no a ser suministra pa Look.

Sakowski a expresa cu nan a adelantando e fecha di e publicacion pasobra varios corantnan norteamericano a duna parrafonan di conoce cu Jacqueline Kennedy tabata kier a saca algu di e texto y qu esaki a perhudica exclusivada di e historia.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo.

MAXWELL HOUSE KOFFIEA

EOTICA

NACHTDIENSTEN: Oranjestad Botica del Pueblo Tel.: 1253-2154 San Nicolas Botica San Lucas Tel.: 5119

PELICULA

De Veer: 8,30 p.m. "Made in Paris" all Rialto: 8,00 p.m. "Cariboo Trail" all Principal: 8,00 p.m. "Cat on a Hot Tin Roof" 18 j Aurora: NO MOVIES Savaneta: 8,00 p.m. "Canadian Pacific" all




DICK TRACY

presenta pa cortesia di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER--BUFF ALO ROCK--GINGER ALE



PEPITA



SU FELICIDAD DEN PELIGER

E ta pasa su man riba un tapijt diki, tin tanto variacion, cu ta pone Maria suspira di admiracion, "Mira cuanto bo tin", e ta exclama asombra ora el a habri e cashi, "Bo ta rico Lida, Sigur bo ta traha duro tur dia". Semper e cumpradornan ta gusta escohe den hopi. Pero esey no ta tur.

Mientras mi ta trahando unu, mi ta haya un idea pa un otro. Lida ta bisa sonriendo, "Benny Zwars semper ta bisa cu mi ta sufrí di produccion di mas, Y kizas e tin razon tambe". Benny Zwars ta un loco, "Maria ta bisa, Esey semper mester critica trabau di otro, Kiko e mes ta haci? Bo no mester haci caso di dje, sigui haci bo trabao numa. Mientras tanto Lida ta bin jude saca su trabounan di e cashi, Diferente cusinchi, panja borda, sjaal, tas, kleeedchi, un variacion enorme. Mi ta sintimi goza di por mustrabo nan", Lida ta bisa contento. Pero ya, cu mi tin un cliente, bo ta obliga di mustrami nan Maria ta bisa seco, Lida su wowonan ta bira grandi di asombro. Kiko bo a kere, cu mi a bin djies pa strobabo den bo trabou? Mi mester un paar di cusinchi, of kizas un panja pa pone riba mi divan, si e prijs no ta halto. Di repente mi a haya mi cuarto asina tristo. Mester mas color den dje. E ta corre bisa tur cos tras di otro, pasobra di repente et a sinti cu kizas Lida lo bay pensa, cu e kier cumpra algo djies pa complace.

Mescos cu a jega di pase un biaha cu Jan-Kees, dia cu e kier a lague pinte, Si tin, biaha ta fastioso ora bo ta rico, Maria ta pensa ironico. Despues e ta cuminza hari y ta bisa mirando Lida su cara asombra: Stop di haci coy loco, bo ta haci mescos cu ami ta e prome cliente cu a subi aki riba.

Pero bo mester yudami, pasobra tin asina tanto, cu mi no sa kiko pa escohe, Lida ta sonrei y awor numa Maria ta ripara con delega y cansa su cara ta muestra, E ta traha mucho duro, y kizas e tin problema tambe, e ta pensa y pesey e ta dicide di cumpra mas tanto posibel, "Esta bon cu bo kier cumpra algo di mi, Di berdad cu bo mester di nan, Maria? Of ta djies pa complace mi bo ta cumpranan? Bo sa, mi mes ta asina encantada cu mi trabou, cu si mi gusta algo, mi kier lague bay y nun-

ca mi ta traha un trabou dobbel. Pesey mes bo por comprende, con contento lo mi keda si un trabou di mi cay den man, di un hende cu mi ta aprecia masha tanto. Mi ta spera cu bo ta escohe algo cu ami tambe a gusta. Pero e escogemento no ta asina facil. A dura basta tempo prome cu Maria a yega na un conclusion. Ei a escohe un kleeedchi pa su divan y tambe tres otro cusinchi. "Bo ta haye na prijs di artista, tende, Lida ta primintie. "No mi no kier asina, Maria ta contesta. Bo mes no ta gana nada, si bo bende asina. Nos ta obliga di pleita pa esey anto, Lida ta contesta. Bo kier pa mi jena e cushinanan pa bo tambe?"

Si bo tin tempo, cu mucho gusto, Maria ta contesta agradeci. Mi no ta mucho habil cu hilo y angua, y bo ta bin serca mi, pa weyta con nan a keda? Claro cu si", Lida ta contesta cu seguridad. Despues e ta bay sirbi te, y nan dos ta sinti goza di nan te, memey di tur e rommels. Maria ta sintie goza di su compra y e ta sintie felis. E esfera eyden ta asina agradable. Pensativo e ta keda mira e mannan chikito y delega di su amiga cu por haci tan-

to trabou bunita. E koppinan aki ta stranjo Lida", Maria ta bisa. "Ta di mi mama nan ta", Lida ta bisa un poco tristo, "Di bo mama ... e no ta bibo anto? Si, e ta na bida ainda, Pero ta lastima, Lida ta bisa y su stem ta tembla. Mi mama ta hinca den un institucion nervioso, ya ta cinco anja caba, Maria ta sinti su culpa stranjo. Yen di ternura e ta keda mira su amiga, kende tin su cabes abou, Pober Lida" Pero e palabranan cu e kier pronuncia, no ta sali. "Ningun hende sa con terribel esey ta, si e mes no a pasa aden", Lida ta murmura. "Principalmente cu un hende cu bo ta stima asina tanto, anto cu bo mester mire den e estado ey... y pa tende e terribel reprochenan ora cu bo bishite ... cu bo ta manda sere y cu bo ta un mal jiu pe y bo ta bay contra dje. Si bo mira cuanto e ta sufrí, y si bo sa, cu e ta pensa, cu ta abo ta culpable di su sufrimento Oh, Maria, mi ta haya cu morto no ta asina cruel..." "Mi Dios, esta terribel. Y por dura hopi tempo ainda, Di su culpa e ta sa iud. Y e no ta bieuw tampoco, e no tin cincuenta anja mes. Pero bo

ta kere cu e por bira bon atrobe Bira bon? No, Lida ta bisa cu un sonrisa tristo. Tur loke nos por spera ta pa su malesa dura mas corto posibel. Tur dos ta keda keto pa un rato. Maria ta sinti su cabes ta bati di tanto confusion. Ta con e por ta asina debil contra tanto tristeza, cu hasta den casonan asina e no por yuda. Despues Lida ta sigui bisa: "Ya wor mi ta keda asina bandona, mi tata a muri basta tempo caba, pero dia cu mi mama tabata serca nos, toch nos tabata un familia di tres, mi mama, Boy yami, Kizas abo no ta sinti mescos cu mi, pero ami si ta sinti falta di mi hendenan, Esaki a influencia henter mi juventud, Si mipensa bek, con bo nos a yega di pasa junto ...". Lida ta hiza su cara atrobe y ta aparece un sonrisa chikito riba dje, "Bo no ta perde esey completamente pa semper, Maria ta bisa. No, claro cu no, pero ta asina duro pa pensa cu tur cos a pasa voorbij, y pa semper. Boy a bay di akinan, pasobra otro caminda e por haya mihor trabou".

(E TA SIGUI)